

հիւսիսային սահմանների վերջնական որոշումը: Եւ մեր անդաւաճան բանակը այդ կանի (ծափեր) և անհրաժեշտ է, որ յաջող կերպով հասցւի մինչև աշնան վերջը: Մենք ունենք հերթական խնդիրներ՝ ելք դէպի ծով և տաճկապատկան մեր նահանգների զբաւումը, եթէ միայն հիւսիսից և արևելքից ոչ մի վտանգ չսպառնայ (ծափեր):

Ա. Խոնդկարեան (սոց.—յեղ.) . — Մտեղծւած աննորմալ պայմանները մեր քաղաքական կեանքի առաջացրին նոյնպէս աննորմալ պայմաններ մեր խորհրդարանային կեանքի մէջ: Այս երկրորդ անգամն է, որ Հայաստանի խորհրդարանը բացւում է, բայց դուք կրկին տեսնում էք, որ օրակարգի 2-րդ խնդիրը նորից դադարի հարցն է: Այս ամբողջ նիստը դրեթէ նւերւեց մեր քաղաքական կեանքի կազմաւորման խնդրին և դա ունի իր պարզ բացատրութիւնը: Քաղաքական կեանքը, ինչպէս իւրաքանչիւր ծնունդ, ծնւում է երկունքով ու ցաւով: Բոլոր քաղաքական կեանքերի ղեկավարների պարտքն է թեթևացնել այդ երկունքը: Երկու տարի է, որ մեր քաղաքական կուսակցութիւնները ջանք են թափում ստեղծել այդ քաղաքական կեանքը: Երբ հայ քաղաքական կեանքի կենտրոնը հաստատուեց Երևանում, հայ սոց.—յեղ. Փրակցիան եկաւ այստեղ և կատարեց իր աշխատանքը: Երկու տարի է, որ օրգանական և փաստական աշխատանք են կատարել այստեղ՝ ելակէս ունենալով հայ աշխատաւորութեան շահերը: Ի թիւս այդ աշխատանքների, մենք յայտնած ենք մեր տեսակէտները Հայաստանի վերաբերմամբ: Զեղ շատ լաւ յայտնի է, թէ ինչպէս ստեղծուեց այդ քաղաքական կեանքը. կար մի անորոշութիւն մեր սպառաջի նկատմամբ, որ մեր մամուլը արտապայտել է բաւական լաւ կերպով (վ. Նաւասարդեան՝ տեղից. «շատ խալտառակ կերպով»):

Մեր պատգամաւորութիւնը Եւրոպայում միշտ խօսում է եւրոպական պետութիւնների մանդատի մասին. իսկ այսօր քաղաքական պայմաններն այնպէս են դասաւորւած, որ ժամանակ է յայտարարել, թէ մեր պետութիւնը պիտի ապրի ինքն իր ուժով: Այսօր, սակայն, ռուսական օրինատացիան նոյնպէս դործնական օգուտ չէ տալիս մեր պետութեանը՝ թէ Անդրը-կովկասում ստեղծւած դրութեամբ և թէ իր ներկայ իդէոլոգիայով: Եւ ես պարտք ունեմ յայտնելու այստեղ սոց.—յեղ. Փրակցիայի կողմից, որ մենք եկած ենք այն համոզմանը, որ Անդրկովկասի ղեմակրատիան պիտի ապրի ինքն իրեն անկախ (բուռն ծափեր, բացակամչուք-իւններ. «վերջապէ՛ս»): Իւրաքանչիւր ոյժ, որ դէմ կը գնայ այդ շահերին, կը գիտուի նոյնպէս թշնամի, և մենք դէմ պիտի գնանք նրան (ծափեր): Բայց ոչ ամէն ոք, որ ասում է Միացեալ և Անկախ Հայաստան, կարող է մասնակցել մեր քաղաքական կեանքին: Մի քանի ամիս առաջ մենք յայտնեցինք, որ մեր կուսակցութիւնը չէ թէ ընդդիմադիր է հայ քաղաքական կեանքին, այլ հայ քաղաքական կեանքի: Ես, իրր վերահասու մեր ճշմարտի օրերին, նոյնն եմ հաստատում այժմ: Ճիշտ է, փորձեր են եղել և նոյնիսկ բանտարկել են մեր ընկերներին, բայց մեր վերաբերմունքը նոյնն է մնացել, այսինքն՝ հայ ժողովրդի շահերը:

Արտաքին և ներքին քաղաքական կեանքի մասին մեր Փրակցիայի տեսակէտը պարզ է եղել: Թիֆլիսի ազդ. կոնֆերանսի մէջ որոշում կայացուեց Հայաստանի ամբողջացման մասին, որին համաձայնեցինք և մենք: Նոյնն ենք ասում նաև հիմա:

Երկրորդ խղիւրը ազգայնացման խնդիրն է: Հայաստանը պէտք է լինի հայաստանցիների համար: Տեղադրական պայմանները ցոյց են տալիս, որ Հայաստանում պիտի լինեն նոյնպէս այլազգիներ: Թշնամի տարրերն, ան-